

實法體而能爲境生現見心因斯展轉發生憶念前後俱緣非真有境是故不可以生憶念證法是真法既非真時如何實若緣妄境生於倒見境可是虛見應是實境既是虛見云何實如在夢中謂眼等識綠色等境覺時知彼二事俱無妄境倒心亦復如是愚夫謂

有聖者知無有倒心境二種皆虛無倒境心

俱應是實世俗可専勝義不然以勝義中心

言絕故若於勝義心言絕者云何數說心境是虛爲破實執故且言虛實執若除虛亦不有若實若虛皆爲遺執依世俗說非就勝義勝義諦言亦是假立爲翻世俗非有定詮現

見心境可言是無憶念境心云何非有現見

尚無憶念豈有若一切法都非實有如何世間現造善惡若無善惡苦樂亦無是則撥無

一切因果若撥因果則爲邪見豈不怖此邪見罪耶奇哉世間愚癡難悟唯知怖罪不識罪因一切善惡苦樂因果並世俗有勝義中

無我依勝義言不可得不撥世俗何成邪見於世俗中執勝義有不稱正理是爲邪見今於此中爲破時執略說諸法俗有真無其義虛實研究是非於後品中當廣分別已略成立遠離二邊中道實義諸有聰慧樂勝義人當勤修學謂常無常二邊邪執如其次第略

破應知

士末

廣百論釋論卷第五

競五

祠<sub>音詞</sub>祭也歛<sub>許勿反</sub>卒起兒敵<sub>徒的反</sub>串<sub>也</sub>背上<sub>古編石</sub>患<sub>反</sub>串<sub>也</sub>也<sub>上必綿反</sub>械<sub>音伐束竹木</sub>渡水也<sub>小者曰械南人呼爲繩音辨</sub>棹<sub>也</sub>未達那果<sub>此云醉果食人也</sub>攬<sub>即攬反</sub>

廣百論釋論卷第六

競六

聖天菩薩本護法菩薩釋三藏法師玄奘奉制譯

破見品第四

復次若如所言諸法性相世俗事有勝義理空如來於中智見無礙言音辯了巧悟他心如何世間猶爲種種妄見所魅諍論紛紜由

能聞者有過失故何者名爲聞者過失謂貪已見不求勝解於善惡說不能了知若無如是三種過失是則名爲聞正法器爲顯此義故說頌曰

稟和希勝慧 是法器應知 異此有師資無因獲勝利

論曰要具三德名爲法器一者稟性柔和無有偏黨恒自審察不貪已見二者常希勝解求法無厭不守已分而生喜足三者爲性聰

慧於善惡言能正了知得失差別若無如是所說三德雖有師資終無勝利言勝利者所謂師資開悟證得如其次第如彼六師諸外道等雖聞正法而無所證非佛於彼無愍濟心亦非聖教不中正理以於世間所應度者聞佛聖教皆已度訖爲顯此義故次頌曰

說有及有因 淨與淨方便 世間自不了

過豈在牟尼

論曰諸佛如來無礙智見觀利他事不過四

種謂所捨證及此二因體義皆真名言非謬即是四諦聖教所攝佛雖廣說而彼不知過在世間非牟尼失以諸外道覺慧庸微及闢正修故不能解如彼烈日放千光明盲者不見於日無各

復次彼諸外道定爲無明放逸睡眠纏覆心識於自所許不能信依所以者何故次頌曰捨諸有涅槃 邪宗所共許 真空破一切如何彼不欣

論曰諸外道宗皆言棄捨我所有事唯我獨有遠離羈縛蕭然解脫無爲惔怕名曰涅槃離相真空絕諸妄境亦無分別執有等心觀此能除一切心境正歸無上大般涅槃不違汝等所求解脫如何憎肯而不生欣我等涅槃唯除我所空亦破我知何所欣汝涅槃中若有我者必不離所何成涅槃我如前破不應重執故當欣此離我真空有則可除空無能遣孰有起過觀空即除空有二徒德失縣

闍云何汝等黨有誅空可愍邪徒癡狂無智  
不能信受有益真空常好邪求無益妄有而  
於正教反生嫌嫉如彼惡子姪亂迷心耽媚  
色聲猖蹶無禮於母慈訓不知敬從自住兒  
頑反生怨害

復次若離真空畢竟無別捨證方便故次頌曰

不知捨證因 無由能捨證 是故牟尼說

清涼餘定無

論曰彼諸外道雖復發心求證涅槃及捨生  
死由不善知捨證方便於所捨證終不能成  
憎背真空耽著妄有故於方便名不善知除

真空觀無捨生死及證涅槃別方便故諸有

貪求外道見者終不能得出世清涼言清涼  
者則是一切苦及苦因究竟寂靜唯有空觀  
是證得因除此更無別方便故如是空觀佛  
法中有一切外道邪論所無故牟尼說四沙  
門果我法中有餘法定無以諸外道執著已  
見誅空觀故不證涅槃云何應知我等所執

定非捨證正方便耶前已具說執常句義立  
實有時皆有過失後當廣破執根境等故知  
汝執非正方便又諸外道於涅槃處實不能  
離我所見等而謂彼處有自內我解脫我所  
名爲涅槃所以者何我與我所畢竟無有相  
離義故汝不可言苦樂等法於涅槃處遠離

篇六

於我汝自立爲我所有故如汝所執我之自  
體亦不可言我之自體非我所有同喻無因  
勿汝所執我無自體便似空華有違宗過是  
故汝等外道所執不能究竟捨離生死亦不  
能證究竟涅槃由此應知非正方便

復次諸外道等製造書論雖彼所詮少分有

實謂說施等是牽引因能招善趣及餘勝樂  
又說殺等是牽引因能招惡趣及餘劇苦然  
彼書論前後相違亦復許爲殺生等業又能  
引發諸惡見趣亦從如是見趣所生如有盲  
人遇遊正道或時迷失復履邪途外道書論  
亦復如是有實有虛不可依信若亦如來三

藏聖教或有所說難可信解是則一切內外經書無可信者成大過失所以者何佛經中說種種神變不可思議又說甚深真實義理諸有情類不能測量復說如來三業作用聲聞乘等所不能知謂無功用普於十方無量無邊極遠世界隨諸有情一一根性無量無數品類差別如其所樂能於一時現妙色身饒益無盡雖斷一切尋伺分別而能爲彼無量有情宣說無邊甚深廣大真實大妙無盡法音於一念頃能除有情無量無邊心行穢垢其心雖無實生實滅亦無一切能緣所緣而一念頃普於一切所知境界現見周盡於現見時遠離一切能見所見分別思惟雖斷一切隨眠纏縛而於三有現受死生雖久離欲而生欲界現處居家迫迮牢獄貯畜種種財穀珍奇養育妻兒親眷僮僕如是等事皆難信知故我於此深懷猶豫事若唯有誠可生疑然事亦空故次頌曰

若於佛所說 深事以生疑 可依無相空而生決定信

論曰此頌意言如來爲怖外道群鹿大師子吼示現眞空如是眞空其義決定分明理教所共成立諸有智者用爲定量銳難精思皆不能起隨順空理無倒勤修衆善莊嚴成無競六

上果於此應生決定信解唯空是實餘並非真但是如來隨物機欲善權方便顯示宣揚又佛所言雖有無量略唯二種謂空不空若於不空有所疑者可依空理比度應知諸法皆空云何可見由識言境有義不成諸法體相略有二種謂識所識及言所言一境同隨四

有多識起隨見差別境相不同此識不應隨外境起由一境體多相不成故知所識決定非有言是假立唯詮共相一切共相皆非實有多法成故如草林等又諸共相皆依別法所依別法其數無邊諸近見者不能普見既不見別不應見摠如二性等依二等物不見

所依必不能見如是共相既非所見如何依彼建立能證是故共相但假施設非爲實有可爲言詮又諸共相若實有者一一法上全有分有俱不得成一一法上若全有者應如別法共相不成一一法上若分有者應成多分非一  
共相又實等上無別有一實等惣性

慧所緣故如非實等惣性即是諸法共相是故共相非有實體但諸世間假共施設如是諸法或識所識或言所言二種推徵俱非實有除此二境更無別法故應信解諸法皆空由此契經有如是說諸法實性無示無對皆同一相所謂無相諸法性相非言所行言不

龍五

能詮故名無示非心心法所行境故非緣有對之所能對故名無對非起二種所行相外別有餘相故名無相空相無二故名一相不爲妄執貪等毒箭損害真見所證真空分明可了故名爲相又真空理離有無等一切法相故名無相無二故說爲一即以如是

無相爲相故名爲相非別有相

復次彼諸外道作如是言諸佛所說略有二種謂空不空空言若實餘說應虛若佛所言一分是實則類餘分亦非虛者我等所言亦應如是云何揔撥言不可信汝等外道於現事中有謬失故不可依信所以者何故次頌曰

觀現尚有妄知後定爲虛

論曰彼諸外道邪覺亂心淺近事中尚有顛倒況於後世深遠難知因果理中而無謬失是故所言不可依信於何淺近我有倒邪謂勝論者計同異等是現量境諸數論者計苦樂等是現量境如是等事其數無邊皆有顛倒所以者何如勝論執同異性等是現量境其理不成牛馬等性分別意識於色等法假施設有越諸根境非現量得徧諸所依無差別故如和合體彼計第六和合句義其體是一徧諸所依越諸根境非現量得同異等性其義亦余云何執爲現量境界又彼論說有

實句義是現量境理亦不然所以者何瓶衣等物分別意識於色等法假施設有云何執爲現量境界然彼論說瓶衣等物因德業實同異合故爲眼所見及身所觸故是根境現量所知此必不然先明因德所引實智非現量攝謂因青等煖等諸德所引實智定非見

觸現量所攝非業同異實所引生依隨餘相合所生故如因香味所引實智因業引生實智亦介如其所應比量遮破謂因諸業所引實智亦非見觸現量所攝非同異性實所引生依隨餘相合所生故如因香味所引實智因實引生所有實智如見壺等知是牛等既

六  
第七

破壺等諸實句義非所見觸即已破彼所引實智以壺等智必因德業方乃得生此前已破是故亦非現量所攝因同異性所引實智亦非見觸現量所攝依隨餘相合所生故如非實等所有諸智謂非實智於德業等言此非實依隨餘相合所生故定非見觸現量所

攝餘智亦介由是應知一切句義假合生智皆非真實緣彼現量謂緣實智非是真實緣實現量假合生故如德等智如是乃至緣和合智亦非真實緣彼現量假合生故如實等智故不應執六句義中有現量境是故勝論於其現世淺近事中亦有顛倒

復次彼數論者執色等法三德合成是實非假現量所得理亦不然多法成故如軍林等色等應假云何言實又樂等三其性別故如未變位不應成一又色等法若是實有應如樂等非三合成又樂等三其相各異云何和合共成一相不可合時轉爲一相與未合時體無別故又樂等三性既各異相不應同執性相定是一故性應如相同相應如性異又樂等別色等是總汝執別既定是一總應如別是三非一別應如總是一非三云何別三成於總一又轉變時樂等三德若不和合共成一相如未轉時其相差別不應現見

是一色等若三和合共成一相應失樂等三種別相不可說言樂等三德各有二相一摠二別所以者何摠相若一不應即三摠相若三不應見一若言樂等一一皆有樂等三相共相和雜難可了知故見一者此亦不然各有三相還應見三如何見一云何可知樂等有異又若一一皆有三相何須和合共成色等即應一一能成色等根境差別爲我受用又此三德各有三相互有差別如何色等其相是一又若樂等一一皆能成色等法一一法體皆三合成是則諸法若性若相應無差別同以三德三相成故若尔所有大等因果唯量諸大諸根差別一切不成世間現見情與非情淨穢等物現比等量亦無差別違諸世間現所見故成大過失如是等類外道邪師所執雖多皆不應理誰能撓攬糞穢聚爲我佛法中多諸法將已摧彼敵故不煩詞如是外道於淺近處白曰夷途尚致顛蹶況於

深遠峻絕稠林巨夜重昏而無謬失誰有識者信彼邪言爲正歸邪故復頌曰誠依彼法行被誰終無已

論曰若諸有情隨彼外道昧見倒執所說法行彼隨惡友邪教化方委見熏習所任持故誹毀如來證所起法獲大罪業其量無邊由

是因緣墮諸惡趣受大憂苦無有出期故有智者勿類愚夫隨惡友行而自欺誑應隨諸佛真實無罪速證出離聖教修行

復次如上所言佛經中說種種神變不可思議又說甚深真實義理諸有情類不能測量乃至廣說如是等事難信知者誠如所言諸

佛功德所說義理皆甚深故難可信知沒等愚夫薄福少智唯求自利不願濟他未飲大悲甘露法味豈能信解如是法門若有慧光破無明闇深心悲愍一切有情求佛菩提具廣大福乃能信解如是法門謂諸如來昔無量劫悲憊種姓熏發其心爲拔有情生死大

苦爲求無上正等菩提於諸佛所恭敬供養  
聽聞正法繫念思惟修集無邊法隨法行謂  
施戒忍勤定慧等種種難行微妙勝行殷重  
無間修習圓滿證得無上正等菩提獲不思  
議自在神力本願所引妙用無窮於此何緣  
而不信解現見世間機閑等事先勢所引任  
運動搖如是如來殊勝神變本願所引任運  
施爲又如世間習幻術者若極成滿處多人  
衆妙用難思何況如來久修勝定增上滿足  
神通作用而可測量是故汝等於諸如來不  
思議事應生信解於佛圓德自在神通當至  
心求勿懷放逸有聲聞等於佛無邊不思議  
力自知絕分悲號傷歎聲振三千汝等云何  
誹謗不信

復次諸有智者自往涅槃昧識逢師不能隨  
學爲顯此義故說頌曰  
智者自涅槃 是能作難作 愚夫逢善導  
而無隨趣心

論曰煩惱纏縛無始時來數習堅強牢固難  
斷涅槃虛寂無相無名勝德無邊高深難證  
諸有智者不因他教自然能度生死大海證  
得究竟大般涅槃是大丈夫能作難作愚夫  
久沒諸欲淤泥耽味歡娛不求出離如狗貪  
駁染血枯骨雖杖逼之猶不棄捨愚夫亦余  
九 頌六

味著諸欲聖言訶責亦不厭離如是智者自  
然開覺證大涅槃是作難作愚夫放逸無所  
覺知雖遇聖言不希寂滅

復次生死甚苦涅槃極樂過失功德龐著易  
了如何有情安然不欲厭背生死欣趣涅槃  
以彼愚癡有怖畏故謂懷我愛聞涅槃空恐  
證無餘我便斷滅由此怖畏是故不欲厭皆  
生死欣趣涅槃如是怖畏由少智生所以者  
何故次頌曰

不知無怖畏 徒知亦復然 定由少分知  
而生於怖畏

論曰若諸有情都無覺慧於一切法無所了

知彼於涅槃不生怖畏若有福知諸法正理  
彼達生死及與涅槃生死生時唯假苦生生  
死滅時唯假苦滅本來無我諸法皆空故於  
涅槃全無怖畏若有但解般涅槃時諸行皆  
滅都無所有不知行苦任運自滅無實體用  
離我我所彼由身見我愛所持聞涅槃中空

無所有懼我斷滅便生怖畏如是怖畏因少  
智生故有智者應正除斷又非串習故生怖  
畏所以者何故次頌曰

生死順流法 愚夫常習行 未曾修逆流

是故生怖畏

論曰諸異生者說名愚夫煩惱隨眠無不成

就欣生厭死不樂涅槃從無始來數曾受領  
增上生道可愛異熟未曾修習決定勝道增  
上生道諸果異熟貪等隨眠所依止處雖爲  
苦火常所焚燒而不覺知歡娛遊戲於生死  
苦常習行故不知過患無厭離心於其解脫  
無罪樂味由不曾知不樂修證如世溷猪耽

樂糞穢清閑美膳非所欣求如是愚夫樂生  
死苦於解脫樂無希慕意由未串習聞說其  
名不能信受反生怖畏諸有智者由思擇力  
於解脫樂應正勤求勿類愚夫倒生厭怖  
復次諸有信求無倒解脫或性賢善或由慧  
力將修真實見方便時若於其中爲作障礙  
策六十

所獲罪業其量無邊爲顯此義故說頌曰  
諸有愚癡人 障他真實見 無由生善趣

如何證涅槃

論曰真實空見是證圓滿無上智因又是永  
滅一切無義涅槃方便此方便道是不思議  
功德生處由是展轉疾證菩提不住涅槃利  
樂無盡隨其所化無量有情根性不同安立  
種子及成熟等利樂無窮諸有愚人由無明  
闇覆自慧眼不見真空復以邪說及餘方便  
障他所修如前功德彼獲罪業無量無邊唯  
有如來能知其際由重惡業染壞其心後生  
善趣去之甚遠隨眠纏縛相續堅牢種種業

因能爲重障方便順忍尚不得生正見涅槃  
如何可證知障正法罪業既深智者應當自  
防勿犯

復次諸有障他修正法者彼後自引邪見令  
生此邪見罪過於毀戒爲顯此義故復頌曰  
寧毀犯尸羅 不損壞正見

論曰如契經言寧毀淨戒不壞正見此意云  
何毀淨戒者唯能自壞若壞正見兼壞自他  
令無量生受大苦果及失無量無邊利樂又  
毀戒者由犯戒故常懷慚愧訶厭自身壞正  
見者無慚無愧讚成邪見恒自貢高又毀戒  
者不增邪見若壞正見令破戒惡未生而生

十一辨六

生已增廣堅固難壞又毀淨戒但障生天壞  
正見者障涅槃樂所以者何故次頌曰  
尸羅生善趣 正見得涅槃

論曰毀戒壞見雖復俱能損壞善因障礙樂  
果然毀戒輕壞見極重所以者何持戒生天  
增長結縛受生死苦正見能證三乘菩提得

涅槃樂是故智者勿壞正見

復次諸法真理何者是耶謂一切法空無我  
理若尔此理亦有過失所以者何如有類  
聞空無我謂法皆無誹撥一切因果正理乃  
至斷滅一切善根此自見有過非空無我咎  
由惡取空妄起邪見行諸惡行空無我理心

言不測非彼所證愚夫聞說諸法皆空不知  
聖意便撥世俗因果亦無滅諸善法此豈是  
空無我過失聖說空教有何意耶爲遣一切  
虛妄有執若尔亦應說諸法有爲遣妄執諸  
法空故實尔若有執諸法空如來亦說諸法  
是有旣爲遣執說有說空諸法真理爲空爲

有諸法真理非有非空分別戲論皆不能及  
何緣聖說非虛妄耶爲除邪執故非虛妄空  
有二教俱能除執何故如來多說空教以諸  
有情多分執有生死多分從有執生是故如  
來爲除有執滅生死苦多說空教若空若有  
皆是教門何故前說空爲真理方便假說亦

不相違又此空言是邊非表非唯空有亦復空空遍遣執心令契諸法非有非空究竟真理諸法真理實非空性空爲門故假說爲空真理非空空爲門者真理非有應有爲門隨機說門有亦無過然其門義順在於空有有等皆順執心空空空等皆違妄執故有智

者聞說空言應離一切有無等執悟法真理非有非無勿起有無分別戲論

復次劣慧者前不應輒說空無我理增其惡見所以者何故次頌曰

寧彼起我執 非空無我見 後兼向惡趣  
初唯背涅槃

競六

十三

我見如妙高山非惡取空增上慢者若余諸法空無我理隣近險趣聖不應說劣慧者前實不應說而勝慧者隨此修行獲大義利故須爲說所以者何故次頌曰

空無我妙理 諸佛真境界 能怖衆惡見  
涅槃不二門

十三

論曰彼謂世間諸劣慧者我執即是薩迦耶見其我所見亦帶我執故我執言亦攝彼見我執雖復不稱正理而寧彼起過失輕故空無我見雖稱正理然彼不能如實了達因斯誹撥諸法皆無過失重故寧彼不起云何此二過失輕重謂初我執唯背涅槃後惡取空

論曰求解脫者除妙空觀無別方便能證涅槃智者欲除諸惡見垢離此無有餘勝方便有見執有所緣境故如餘有見不證涅槃亦不能除諸惡見垢修此空行至究竟者能證極果無上菩提普爲有情方便開示復令圓證所求妙果諸有能成自他利樂空無我觀

陳

最爲勝因故應善知有情根性方便開示令其悟入

復次如來爲除惡見鬼魅說空無我阿揭陀藥所以者何諸惡見者聞說空名皆生怖畏漸次調伏自然息除爲顯此義故說頌曰愚聞空法名 背生大怖畏 如見大力者怯劣悉奔逃

論曰愚謂惡見損覆慧眼彼聞空名諸惡見

命自然損害空雖無心欲害惡見而力大故聞名自滅如聞虎名怯者自喪又如世間調善龍象於其兩類威汗交流雖復無心損害物命而彼龍象威力大故其見聞者驚怖奔

逃空理亦然威力大故令惡見者聞名驚怖自然損減空理無心非爲損物證空理者應爲害他若證真空其心寂靜平等無二豈欲害他然爲利樂諸有情故方便開示空無我理懷惡見者聞之自滅爲顯此義故次頌曰諸佛雖無心 說摧他論法 而他論自壞

### 如野火焚薪

論曰諸佛無心欲摧他論然爲利樂所化有情開示昔來諸佛廣路謂一切法性相皆空前後如來無不遊履從因至果引導群迷外道邪徒諸惡見論聞斯空教自然壞滅如在山林野火騰焰濕薪積木烈日所乾雖無有人持火來就然薪逼火如自引燒惡見邪徒諸論亦亦空教勢力而自崩摧

復次諸外道宗皆說妄有欲令棄捨故說真空所以者何故次頌曰  
諸有悟正法 定不樂邪宗 為餘出僞門故顯真空義

論曰有智自能簡別真僞遇此正法不樂邪宗如識寶人得無價寶終不復樂餘水精珠諸外道宗皆立妄有去正法遠如假僞門詭惑有情令失大利故我顯示佛教眞空令彼邪徒趣真背僞  
復次何緣外道欣樂邪宗狀背聖教由身見

力若知無我必無欣厭所以者何故次頌曰  
若知佛所說 真空無我理 隨順不生欣  
乖違無厭怖

論曰若知佛教空無我理斷除身見所起隨  
眠觀察世間如空舍室虛妄諸行生死輪迴  
興盛無欣衰損無厭無憂無喜無畏泰然若

有身見謂我損益衰盛起時便生憂喜因斯

便有怖畏無窮故有智人應除我執

復次諸外道衆由著我執能爲自縛亦縛有  
情所損既多深可悲愍爲顯此義故說頌曰  
見諸外道衆 爲多無義因 樂正法有情  
誰不深悲愍

論曰諸外道衆貪愛我執能令自他起無量  
罪孽迦耶見是一切惡生根本故如說所有  
惡不善法一切皆以迦耶見爲本而生諸  
有中懷樂善法者自無定執隨順他緣爲彼  
外道邪言誑惑亦貪我見起無量罪如是外  
道能令自他俱起種種堅固纏縛誰有智人

而不悲愍故樂正法淨意有情起利樂心應  
深悲愍懃懃爲說無我真空令修正見離諸  
繫縛

復次諸佛菩薩常住於世實有真淨利樂他  
心何故世間猶有無量信邪倒見謗法有情  
由佛所說境智甚深微細難悟外道不余所  
十五

以者何故次頌曰

婆羅門離繫

如來三所宗

眼耳意能知

故佛法深細

論曰諸婆羅門唯常習誦虛言爲道耳識能  
知非是深細離繫外道唯以露形身體臭穢  
種種猛利自苦爲道眼識能知亦非深細如

來聖教以證真空無漏慧劍永斷所有內煩  
惱賊獲得無上正等菩提利益安樂一切含  
識理教意趣甚深微細諸有通達如實理者  
於佛聖教或知不知由佛理教最深細故外  
道愚夫不能悟入多信外道麤淺邪言少信  
如來深細聖教世間多信婆羅門者以婆羅

門多行誑詐誦呪祠火自苦除憊矯設吉祥  
妄說禍福爲活命故種種方便誑諸女人成  
達羅等令於彼所生希有心供給所須推爲  
尊貴古昔黠慧諸婆羅門隱造明書言自然  
有唯得自誦不許他觀讚婆羅門最爲尊貴  
刹帝利等皆是卑賤給施所須獲無量福愚

夫無智不能測量謂真福田信敬供養然彼  
明書非自然有有所證故如世俗言又彼明  
書非盡稱理非聖說故如虛誑言婆羅門種  
非實尊貴非真福田常行乞匂養妻兒故如  
貧癩者故有智人不應歸信婆羅門法既多  
誰詐離繫外道所學如何彼所學法多順愚  
癡所以者何故次頌曰

婆羅門所宗 多令行誑詐 離繫外道法  
多分順愚癡

論曰離繫外道都不知真唯貪後樂現受劇  
苦諸有所言多不合理愚癡種類聚結成群  
爲世愚癡之所歸信云何波定知彼愚癡以

露身形無羞恥故如在如畜如似嬰兒若婆  
羅門實非尊貴何緣貴勝亦敬事之以彼習  
誦諸明論故諸婆羅門實無所識爲活命故  
於一切時誦諸明論詐現異相以動人心世  
間貴勝不審觀察謂其有德故敬事之又明  
論中雖無勝義而有世俗少分禮儀世間貴  
競六

十六

十

勝爲習學故彼雖無德亦申敬事餘有不誦  
諸明論者以同類故世俗相承不審觀察亦  
兼敬事離繫外道與彼不同云何世間亦多  
敬事以其薄知星歷道度觀鳥解夢瞻相吉  
凶故凡愚人多申敬事又婆羅門誦諸明論  
以難成故世共敬之離繫外道以苦行故世

共愍念此皆不能解脫生死諸有智者當正  
了知勿隨彼見故次頌曰

恭敬婆羅門 爲誦諸明故 懇念離繫者  
由自苦其身

論曰婆羅門法勤誦諸明世以爲難故共恭  
敬然諸明論非解脫因但有虛言無實義故

離繫外道極自苦身亦以爲難世共愍念云

何自苦非解脫因是異熟果非善法故彼拔髮等所生身苦由過去世惡行所招是業異熟非善法故如樂異熟非解脫因若言此苦現功力生非異熟果因不成者此亦不然彼所受苦是異熟果以無所益與色根識俱生

苦故如地獄中所受身苦自部亦有不許此苦是異熟者應以此量而決了之諸有身苦非異熟者亦非能證解脫親因有漏身受現緣生故如姪欲樂又彼自苦非解脫因違聖教故如自害苦彼師所說非是聖教非如來等所共說故如姪書等故彼自苦但是前出

惡行所招及以現在愚癡所起定非能證真

解脫因

復次有作是言依尊勝身能得解脫世間尊勝謂婆羅門故婆羅門能證解脫非餘雜類可得涅槃此說不然故次頌曰  
如苦業所感 非真解脫因 勝身業所生

亦非證解脫

論曰如離繫宗所受身苦業異熟故非解脫因婆羅門身設許尊勝亦業所感非解脫因身雖不能親證解脫而身中善是解脫因若余餘身善亦如是云何但說婆羅門耶又婆羅門根境等法與餘種類一切皆同云何自言彼勝餘劣是故彼說唯誑愚夫諸有智人不應信受然婆羅門非勝餘類此洲人故如弋達羅弋達羅等非劣彼姓此洲人故如婆羅門既言外道所說皆虛未知如來法有何實爲遣此疑故說頌曰

略言佛所說 具二別餘宗 不害生人天

觀空證解脫

論曰佛說無量深妙法門利樂有情要唯二種一者不害能感人天二者觀空能證解脫損惱他意及所發生身語二業總名爲害若能斷彼所說害法修諸善因名爲不害謂十善業布施愛語利行同事及諸靜慮無色定

等由此得生人天善趣受諸勝妙無染果報  
依此能除一切煩惱又能修習無量善因真  
如實際離相名空正觀此空證涅槃樂空無  
我理於諸法中無相無名咸同一味寂靜安  
樂即是涅槃此必觀空方可證故如是善趣  
解脫二因唯佛法中具足可得外道雖說施

等少分生人天因而不圓滿所以者何彼諸  
外道無有顯析因果智故不言意思生勝福  
故無別解脫律儀法故善趣塵業尚不委知  
涅槃妙因故其絕分如來所說理教周圓外  
道邪徒如何不樂由佛正教違彼邪宗乖本  
所貪故不欣樂爲顯此義而說頌曰

龍一十八

世人耽自宗 如愛本生地 正法能摧滅  
邪黨不生欣

論曰如本生地雖不膏腴久處其中而不願  
捨自宗亦尔雖與理違以本師承故不能離  
尚不欲樂餘外道宗況慕如來甘露聖教甚  
深實相眞空智火能焚外道邪執積薪違彼

本心故不欣樂諸有智者應善思惟勿染邪  
宗致違正法 復次佛法普照如盛日輪求勝智人應當信  
仰爲顯此義故說頌曰 有智求勝德 應信受真宗 正法如日輪  
有目因能見

論曰此中顯示要具二德能信大乘一者有  
智二者希求殊勝功德大乘能滅一切邪宗  
隨順大乘多所饒益謂自能證無上涅槃令  
他有情亦出生死大乘正法如彼日輪普爲  
世間破無明闇有慧目者因此法光分明照  
知真爲色像肯邪從正避嶮求安利樂自他

無不成辦諸有智者應信大乘勿顧邪宗誅  
毀正法自受沉溺生死淤泥誰惑有情令失  
大利智與愚異謂識是非智勿似愚不辨真  
偽若有真實利樂他心應以大乘摧邪立正  
勤修空觀速證菩提利樂有情窮未來際

廣百論釋論卷第六

競六

稟

悲承品

反

謬

苗勿反

也

庸微

上常音

羈纏

上居反

耽

怕徒敢反

猾

謂變易情性

猾

捷

伺

相

羈

上居反

竊

宜反

耽

也

猾

也

竊

也

竊

也

竊

也

稟

悲承品

反

謬

苗勿反

也

庸微

上常音

羈纏

上居反

耽

謂變易情性

猾

捷

竊

相

竊

上居反

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

也

竊

<small